

良辰樂事

良辰樂事

燕市念菴大夫舊詞

中呂粉蝶兒

管氣飛灰日初長。冽寒已退。聖明朝樂享。雍熙  
滿皇都。春回轉。共霑新歲。見家家粧點門楣。幾  
替兒不同往日。

醉春風

芝蔴楷。徧簷楹。木炭頭。沿戶倚。黃錢高掛兩門。

傷端的是喜也喜更有那降鬼鍾馗加冠童子

進財神位

紅繡鞋

貼一副蠟箋紙宣時門對上寫着陽春布萬物

光輝紙門神對面兒逞雄威左邊的執着鉞斧

右邊的掌着瓜鉞恰便似定唐朝胡敬德

滿庭芳

龍涎燒起湘簾低簇繡幕高垂燈杆上縛松和

檜高與天齊庭階下收拾的似水廳堂中鋪設

的偏奇兩三夜何曾睡辦年食節禮熱鬧似擺

筵席

普天樂

燒上夢

辟瘟丹一陣陣蒼朮味表出夢新正氣

象端的是守歲相宜獻供養敬祖先焚紙馬酬

天地爆竹如雷驚邪祟燒生盆取吉除疑四壁

廂火光繚繞香烟變更和那燭影光輝

石榴花

一家兒 鎚忙鬼亂到三十 準備着 慶喜遞三盃

老 公婆穩坐 定 笑嘻嘻小兒男拜禮訓教端的

道 殷勤孝弟將身立當官差買賣爲題 如今新

春節至 你添了一歲休貪花少戀酒莫胡爲

鬪鵲鵲

剛能勾 酒過三巡 不覺的 東方亮起 梳洗的頭

臉兒 光鮮打扮的 身子兒 俊美濟楚衣冠所事

宜。比尋常更整齊。先拜了恩府恩官。後拜了親朋鄰里。

### 上小樓

街市上經營靜寂。來往的人稠人密。你看那抬

轎的拿般挑腳的作勢赶腳的施爲。乞兒每倚

定門討嘴吃長吁短氣。口兒裡要饅般。他說一

年之計。

### 么篇

剛送出張世英。又撻進李彥實。你看他叉手躬

身。假意虛情。邈讓謙推。一箇說有生受多起動

重衆光輝。一箇說拜望遲。勿蒙見罪。

十二月

進門來。慌忙施禮。敘罷了。長幼尊卑。腦袋兒連  
磕。至起說。從前言語。差遲休和俺一般。見識自  
今日道過了。休題。

堯民歌

呀我見他慌忙扒起走如飛。一箇價扯不穩。  
怎容回。一箇說見成熱酒飲三盃。一箇說看經  
喫素忌初一。他兩箇強了一會只得吃幾杯。  
能勾唱喏抽身退。

### 裏孩兒

自從那日初辰拜到時過未。  
自漸的挂肚撐腸  
酒力西歪東倒脚高低。一霎時不覺的昏迷頭  
低眼豎人難認。腿軟腰彎步怎移。  
眼看着醺醺



醉少不得眠街臥巷那裡有展被鋪席

七煞

從黃昏睡到起更時醒來時要水吃翻身一手

摸着地兩腿不住觀天象只見星移斗柄回頻

啞嘴連聲也是我新年晦氣尋思起有甚便

宜

六煞

繫腰兒不見了我刺兒在那裡沿街滾破了天

羅地新衣服扯綻了襟和領凍臉上磕傷了嘴  
共鼻怎見俺那秋胡戲空懊惱賭神發咒血條  
子再也不吃

五煞

初七入拜罷年盼元宵月色輝家家燈火安排  
畢村的俏的街頭鬪老的小的厮混擠到處裡  
閒遊戲小姑兒厮跟定嫂嫂外甥兒扯住了姨  
姨

四煞

先遊到大市街後盤桓背巷裡走橋因地君須  
記小的走了身無病老的走了腰也直強似教

醫人治且拚箇通宵不寐怎肯教虛負了佳期

三煞

一處處博戲高一叢叢社火齊端的是歡娛正

遇豐年歲南來絃子和琵琶北去笙簫對管笛  
打鼓唱熱鬧似搬房拜廟喧嘩的如撾

鼓奪旗

二煞

女孩兒不見了娘。男子漢岔破了。妻東奔西走。

難尋覓。三更漸漸人行少。四鼓看看月墜西家。

家纔把門兒閉。雖然是金吾不禁。怎當他玉漏。

頻催。

一煞

纔覺的心內來吃緊的肚又饑。少魂沒寔思量。

睡兩隻腿脚如石重一貼心腸似箭疾盼不到

家闌內帶衣兒連忙倒臥困騰騰一似着迷

尾聲

到天明扒起來事事的都後悔被窩裡說幾句

牙疼誓來歲依然只樣兒的

附小詞

雁兒落帶得勝令和元學士汪雲林一百首之三十二

愁聞長樂鍾懶跨黃門鞚無心肉食謀有分齋

鹽齏歲月耳邊風。富貴眼前榮。岐路亡羊客，窮途失馬翁。機鋒使盡，全無用。崢嶸看來總是空。

又

前程似箭疾。逆旅如川逝。覆盆不見天，戴笠難覓日。雞甕不須疑。牛後怎甘棲。未病先求藥，防危早下梯。休題朱紫三公貴，歸期滄浪一釣磯。

又

浮策蟻上槐。虛世風傳籟。身居苦海中，名落孫

山外無分上雲臺。何處訪天台。但得閒身在，常  
教笑口開。合該綠野如相待，休猜青春不再來。

又

籠中日月搬水上。乾坤漫光陰。止百年愁病居  
多半。無翅效鵬搏。有意似龍蟠。季子休誇印，逢  
萌已掛冠。多搬心內何須筭。無端肩頭且莫攢。

又

浮生夢裏過塵事。籠中坐。財多害反多。官大愁

還大黑海已驚波綠髮漸成皤失意休彈劍歸  
心且棹歌吟哦守口防詩禍蹉跎開懷敵酒魔

又

年華一夢蝶名利千家舍電光瞬息飛石火須  
與滅何用使喉舌不必下鋏鉞看破穴中蟻  
開酒內蛇周摺枉惹兒孫業癡呆空遺世代嗟

又

花間構一亭竹裏開三逕身閒夢寐安事簡乾



坤靜烏帽與黃鞵。白璧點青蠅。有子心先足。無  
官身更輕。虛名得失。皆前定。浮榮行藏。索自評。

又

叅詳滋味熟。看覷機關透。排場戲轉新。宦海波  
仍舊。文繡喻犧牛。衣冠比沐猴。壯志驚蓬髮。閒  
身且敝裘。知休名利休。拖逗回頭。英雄盡土丘。

折桂令

世事多少叅差。那得堅牢。誰耐磷緇。紫陌鳴珂。

朱門曳履金谷塗脂大都來一般樣子空費了  
百種心思世事如斯何必嗟咨對酒當歌休負  
良時

又

人生難得清閒磯頭貂裘塵土雕鞍百事悠悠  
幾年碌碌兩鬢班班急流中扁舟快挽夕陽邊  
倦鳥須還名利閒關歲月催殘休想南柯且臥  
東山

又

山林清趣。誰知空谷猿吟。脩竹鶯啼。泉石爲盟。  
烟霞作伴。荷芰成衣。燃指間光陰。有幾轉頭來。  
世事皆非。成敗休題。得失奚疑。落得逍遙。就是  
便宜。

又

閒身且任徜徉。豈爲逃名。不是迷邦。怯似搏熊。  
拙如待兔。懶賽亡羊。問甚麼難封李廣。何須題

易老馮唐檢點行藏儘自疎狂。遁跡蓬蒿濯足  
滄浪。

又

紅塵不到閒門。逕路雖荒松菊猶存。右上橫琴  
花間待月。樹杪看雲。丘樊冷真爲小隱。芋栗收  
豈是全貧。煩惱休論笑語須頻。避却豺狼想甚  
麒麟。

又

南牕一枕高眠。蝶蟻雖親。車馬無喧。竹裏蝸廬。  
花邊鳩杖。柳下漁船。喂一頭耕春瘦。塞種兩頃。  
負郭薄田。且省縈牽。休惹熬煎。淡飯粗衣。過遣  
隨緣。

又

眼前寵辱休驚。人事參差。天道虧盈。跡謝朱門。  
心依丹壑。口誦黃庭。盧生枕打開。夢境。步兵廚。  
攻破愁城。鷺約鷗盟。詩社棋枰。百歲開身。千古

芳名

又

眼前誰是知音。流水高山空抱瑤琴。身遠鴈班  
名辭狗監。詩謝雞林。且看取高陽痛飲。再休羨  
季子多金。白髮盈簪。綠野成林。皓月清風不費  
招尋。

朝天子

景陽宮曉。鍾鳴珂巷玉。驄。總是南柯夢。生來無

分紫泥封機巧成何用捉霧拿雲攀龍附鳳這  
心腸無半種主一條瘦筇引一箇小僮沿村墮  
鵲耕種。

又

從離了建章高臥在北窻興寄羲皇上十年飽  
食太官羊回首成虛妄盜嫂招誣明珠惹謗儘  
他人閒論講接興楚狂赤松子房到省夢寃家  
帳。

又

喜碧山日親把銀魚早焚銷繳了功名分輅車  
鳩杖鹿皮巾也不讓黃金印晚景無多前程休  
問。趁明時自在隱尋幾箇故人圍坐在華門。嘗  
則把陰晴論。

又

身離了錦鞍手持着釣竿秋風起思張翰年華  
鏡裏暗凋殘往事成虛幻肥馬輕裘千鍾萬貫



到如今時候晚。糊塗案已翻。痴呆心快割。好逕  
席終須散。

又

竊祿分本薄。遁世心又高。枉被兒童笑。星霜點  
染鬢蕭騷。斷送人年少。平野堪耕。清溪堪釣。這  
光陰休教錯。趁如今不曉。到何日是了。惹杜宇  
聲聲叫。

又

虎狼叢近狎魚龍。隊混雜。受了些閒驚怕。歸來  
還整舊生涯。往事都勾罷。二頃田租。一門婚嫁。  
畢罷了。閒笑耍。繁華且讓他清閒。須落咱這福  
分知誰大。

又

脫離了陸沉。且歸來故林。襪線才能勝任。菱花  
漸覺二毛侵。怕甚麼。讒和譖。落得清閒。誰來拘  
禁。日三竿。猶自寢。知己酒滿斟。會家詩細吟。不

快活圖夢甚

又

虎頭牌懶沾。兔毫管怕拈。爵祿誰歆艷。行囊檢點。不須嫌止。有琴和劍。揣分安貧。隨緣守儉。妄想心無半點。看雲生捲簾。趁日晴。曝簷把兩字清閒占。

沉醉東風

怕待看蛾眉妒寵羞。題起蟻陣爭雄。瞞着心狠。

做作。睜着眼。胡踢弄。怎脫離天地牢籠。辛苦爭  
如食蓼虫。尚兀自心腸懵懂。

又

蝸角名徒勞。技痒蠅頭利。枉惹心忙。急穰穰螳  
捕蟬。惡狠狠蛇吞象。巧機關百樣千椿。回首榮  
華不久長。都做了漁樵話講。

又

名與利難尋。布擺吃和穿。儘會安排。芒鞋粗布

袍淡飯黃齋。論甘貧不說彭澤。五柳沿門密  
密栽。落得箇清閒計策。

又

東洋海波濤滾滾。霸陵橋車馬紛紛。官高休羨  
榮命蹇。須安分。靠青山緊閉柴門。閒把英雄細  
討論。能幾箇到頭安穩。

又

躲避了卽峽九坂。受用煞蓬萊三竿。雞鷺場小

鬪爭魚龍海誰經慣虎狼叢沒計遮攔險阻爭  
如蜀道難因此上心灰意懶

又

窮福分剛消薄產拙材料怎做高官百般事難  
自由人箇字何須算得清閒那樣心寬識破人  
情袖手觀再不去爭長競短

又

窮快活說來不假散神仙真箇堪誇才成八斗

名。文抵千金價。不逢時。怎得騰踏世路羊腸要  
把滑。休當做尋常戲耍。

又

門巷外。旋栽楊柳。池塘中新浴沙鷗。半灣水。遶  
籬幾朶雲生岫。愛村居。景致風流。閒啜盧仝茗  
一甌。醉翁意。何須在酒。

掛枝兒 二十首之八

日初長。柳絲綻黃金模樣。雨纔過。桃花撲面。

清香賣花人一聲聲喚起懷春情況。蝴蝶兒爭  
新綠。燕子兒語雕梁。打點出那小扇輕羅也。還  
要去流水橋邊賞。

又

新竹兒倚朱欄。清風可愛香几兒。靠北窗雅稱  
幽齋。千葉榴並蒂蓮。如相比。簫槐陰下清風靜。  
垂楊外月影篩。忽聽的幾箇嬌滴滴的聲音也。  
笑着把茉莉花採。



又

秋海棠喜庭陰偏生嬌艷。桂花兒趁西風越弄  
香妍。金沙葉銀扭絲。凌霜堪羨。開一尊新釀酒  
打疊起繡花奩。聽一會窻兒外的芭蕉也。又把  
細雨聲兒顯。

又

水仙花嬌怯怯。流香几案綠萼梅清影。瘦斜倚  
危欄。剪冰紋霎時間把青松不見烹茶也自好。

對酒且開簾。圍上那肉作的屏風也。偏覺的氣  
候兒。爕。

又

我教你叫我聲。只是不應。木等說。就叫我纔是。  
真情背地裡。只你我推甚麼。佯羞佯性。你口兒  
裡不肯叫。想是心兒裡不疼。你若有我的心兒。  
也。如何開口難得緊。

又

我心裡但見你就要你叫。你心裡怕聽見的。向外人學。纔待叫。又不叫。只是低着頭兒笑。一面低低叫。一面又把人瞧。叫的雖然艱難也。意思兒其實好。

又

俏冤家。但見我就要我叫。一會家不叫。你你就心焦。我疼你。那在乎叫與不叫。叫是提在口。疼是心。想着我。若有你的真心。也就不叫。也是好。

又

俏冤家非是我好教你叫。你叫聲兒無福的也。  
難消。你心不順。怎肯把我叫叫的。這聲音兒。  
俏聽的。往心髓裡澆。就是假意兒的。劬勞也比。  
不叫到底好。

雙疊翠

二十首之八

怕逢春。怕逢春到的。春來病轉深。捱不過。困人。  
天。懶看這紅成陣。行也難禁。坐也難禁。越說不。

想越在心似這等枉添愁可不辜負了春花信

二

夏不宜夏不宜綠陰惱煞亂鶯啼一般是解慍  
風吹不散愁人意暗數歸期頻卜歸期荷香空  
自襲人衣最可憐是明月時怕自往紗厨去

又

怕逢秋怕逢秋一入秋來動是愁細雨兒瀟瀟  
冷黃葉兒看看驟打着心頭冷了眉頭鵲橋

是不長畱他一年一度親強如我不成就

又

冬不宜冬不宜愁心只我與燈知撥盡了一夜  
灰盼不出三竿日展轉尋思顛倒尋思衾寒枕  
冷夜深時只得向夢兒中尋夢兒中又恐畱不  
住

又

春相思春相思游蜂牽惹斷腸絲忽看見柳絮

飛·按不下心間事·悶·撚花枝·反·恨花枝·軟·難想  
着·隔牆時·倒不如不遇春·還不到傷心處·

又

夏·相思·夏·相思·閒庭不耐午陰遲·執扇兒是他  
的·熱心兒·只我知·強自支持·懶自支持·蘭湯誰  
惜·瘦腰肢·就是捱過這日長天·又愁着秋來至  
又

秋·相思·秋·相思·西風涼月·忒無知·緊自我怕·淒

涼偏照着淒涼處別是秋時又到秋時砧聲到  
語意如絲爲甚的鴻雁來不見箇平安字

又

冬相思冬相思梅花紙帳似冰池直待要坐着  
捱忽的又盡一日醒是自知夢是自知我便如  
此你何如我的愁我自擔又耽着你那裡也愁  
如是

鎖南枝 一百首之十六



團圓夢夢見他笑臉兒歸來連聲問我我在外  
幾載經過你在家盼望如何說一會功名敘一  
會間闊喚梅香把酒果恁排與我二人權作賀  
萬種相思一筆勾抹猛追魂三唱鄰雞急睜眼  
一枕南柯

又

團圓夢夢不差眼兒他歸來悄聲兒訴咱非是  
我失業拋家非是我戀酒貪花非是我負義忘

恩兩頭騎馬爲只爲書劍飄零因此上負却臨  
行話吐膽傾心全無虛假欲開言再問箇端的  
猛撞身那得箇冤家

又

團圓夢夢的奇一見冤家情同往昔喜孜孜素  
手相攜美甘甘熱臉相偎共結綢繆芙蓉帳裡  
常言道破鏡重圓果不然也有相逢日玳瑁簪  
撒歡他也來道喜剛能勾半霎合諧猛驚回候

舊別離

又

團圓夢惹的實。一會家心驚忽聽的打門喚梅。  
香問是何人。他說道是我郎君。昨夜燈花。誠然  
有準。笑吟吟引入蘭房。把離情話兒閒評論。妾  
命雖薄。君心成狠。整鴛衾。恰待歡娛。醒來時還  
是孤身。

又

傷心事訴與誰。一半兒恩情。一半兒追悔。想着  
你要和我分離。平白地起上箇孤堆。用了場心  
竹。藍兒打水。雖然是你的情絕。也是我緣法上  
不對。胡昧了靈心。分明是鬼。幾時和你嚷上一  
場。再不信你巧話兒相陪。

又

傷心事有萬端。也是我前生業確子。不滿寔指  
望。買笑追歡。倒惹的恨結愁攢。臥枕着床。犯了

條欸你既然要和我分離也須與箇一刀兩斷  
人說你情絕真箇行短瑞香花頭緒兒忒多枝  
鼓腔兩下裡厮瞞

又

傷心事對誰說仔細度量都是我自惹我爲你  
使破喉舌我爲你費盡周折誰想恩變爲讐刀  
刀見血雖然與你不久相交一夜夫妻如同百  
夜有甚麼虧心下拚的拋捨瞞着心只是你精

細吃殺虧認着我癡呆。

又

傷心事對誰學。要見箇明白。惟天可表。你和我  
誰厚誰薄。誰情絕。誰性兒難調。誰把誰心全然  
負了。也是俺婦人家癡愚。好心偏不得箇好報。  
瞎虫蟻逃生。是撞着你線索。雖不和你見識。一  
般殺人。可恕情理難饒。

又

長吁氣恨滿腔。往事都勾話。也不須細講。巧機  
關。你暗裡包藏。癡心腸。誰做箇隄防。舍灰忘生。  
闖在你網。欲待和姊妹們聲說。只恐怕告箇折  
腰狀。思之復思。想了又想。除非是命喪荒坵。在  
灰城再做箇商量。

又

長吁氣恨轉增。髮亂釵橫。無心去整。想只想你  
知熱。知疼。想只想你識重。識輕。誰知道意變心

更有形無影。起初時那樣言詞。到如今心口不  
相應。問着粧不知。說着推不省。人說你有些兒  
糊塗。我看你全是箇牢成。

又

冤家債還他不徹。一節不了。又添上一節。欲待  
要亂掩胡遮。怎禁他見鬼隨斜。恨只恨冤家心  
腸似鐵。經年家強自支吾。無人知我疼和熱。悶  
海愁山。誰行去訴說。風月中請問箇知音。閃賺



人筭甚麼豪傑。

又

冤家債還他不及。舊恨纔消。新愁又起。想當初  
只說你心實。誰承望下的是活棋。面情相交。不  
知其裡。欲待要發狠。蹬開。又怕食之無肉。棄之  
有味。這是賣了鮎魚。誇不的大嘴。付能勾。夾及  
回頭。過夢時。依舊王皮。

又

冤家債還他不清。除了相思無甚麼可頂。想當初徹底澄清。到今日無眼難明。相交了一場銀瓶墜井。也是俺婦人家心慈倒弄的人。硬貨不硬。再和你相逢。除非是夢境。或長或短。說箇真寔。誰是誰非。路見難平。

又

冤家債還他不完。不是七長就是八短。信別人巧話兒。唆搬倒把我假意兒。攛睛糊塗。出冤家。

全不知冷煖。雖然你不把我畱情。只怕藕斷時  
絲還不斷。叫一聲蒼天。天如何不管。好共歹也  
是你着迷。長和短自有人傍觀。

又

情書至。笑臉兒開。可見我冤家情腸兒不改。件  
件事與我安排。句句話說的明白。滿紙春心。猶  
帶着墨色。他說我不久回還。你須權把心腸兒  
耐。少只在旬朝。多不上半載。喚梅香禪淨了閒。

隅。把冤家筆跡兒高擡。

又

情書至。用意兒讀。親手封緘。再拜上奴路迢迢。  
音信全疎。意懸懸。想念如初。爲只爲功名。歸期  
未卜。只要你柳色常青。切莫把我名兒污。天樣  
花箋寫不盡。肺腑喚梅香。你與我叅詳。敢怕是  
謊話兒支吾。

醉羅歌

開中一笑三百  
首之四十八

輕寒輕暖花將放。閒愁閒悶日偏長。鳥雲睡損  
懶梳粧。總則是相思樣。紛紛花下蜂也。太狂。翩  
翩牆外蝶也。太狂。教人對景無情況。愁千疊。淚  
兩行。天台何處憶劉郎。

又

惜花惜花愁難罷。春去春去病偏加。閒將心事  
付琵琶。訴不盡離情話。主恩薄倖也。不似他。桂  
英薄命也。不似咱。恨來提着名兒罵。情嚼蠟。意

擗沙空勞魂夢遶天涯

又

日長日長愁時候。花落花落病因由。嫁得蕭郎  
喜閒游。泪漬滿春衫袖。校頭鶯囀也。自喚儂簪  
前燕語也。自喚儂無端。空把人拖逗。朝雲散暮  
雨收。安排腸斷倚西樓。

又

乍陰乍晴催花綻。多愁多病損芳年。愁將心事

聽啼鵲。枉拋却針和線。花箋空寫。也不見還佳。期空過。也不見還。蘭闥寂寞。空長怨。無人示誰。與傳悠悠離恨。咽湘絃。

滿庭芳

才郎行短。釵分雙鳳。鏡掩孤鸞。心腸走滾。難牽絆。那里貪歡。相思債。生填不滿。糊塗病。儘你厮瞞。思和筭。清晨到晚。衣帶漸鬆寬。

又

才郎情寡。經年動歲。海角天涯。猛然想起臨行  
話。句句都差。未知他情兒真假。空教我受盡折  
罰。章臺下。由他繫馬。難道說不來家。

又

才郎大膽。翻雲覆雨。暮四朝三。平白地空把人  
拖賺。故意兒粧憨。分明是因他瘦減。題起來在  
惹羞慚。相思擔遠。虧是俺別箇的怎心甘。

又



才郎見小終朝每日絮絮叨叨故意兒做出虛腔調。要把奴拋又不曾和他厮惱。夢兒錯不肯相饒。歹性兒天生拘惹了他這遭。終久也難調。

又

相思病染前生欠少。今世加添無明業火心頭焰。恨蹙眉尖。霹靂性生來好閃。強扭爪到底難甜。心思念恹恹瘦臉空有淚痕沾。

又

相思病久。非因中酒。不爲悲秋。看看害的身子。  
兒瘦。無了無休。寔指望同心厮守。幾曾料潑水。  
難收。牙疼咒。開合信口。誰似你不知羞。

普天樂

怕黃昏。傷懷抱。俊貌篆冷。翡翠衾薄。春愁眉上。  
顰。鬼病心頭。鬧。一點青燈空相照。更無情風雨。  
瀟瀟關山路。遙。衡陽信杳。幾遍量度。

又

倚危樓空長歎。新愁萬種。舊恨千般。盡看蝶與  
蜂。怕見鶯和燕。鬼病抑揄。誰經慣。短金釵。劃損  
闌干。啼痕未乾。悶懷又越。不似今番。

又

望天涯。無音信。鱗鴻未準。蘭麝空薰。思量無計  
剗。冷落誰餽。問八字眉。翠空攢恨。掩重門。幾度  
銷魂。從別那人。疾漸瘦損。着甚來因。

又

對菱花添憔悴。羞勻粉臉。怕掃峨眉。三春愁病  
身。一種淒涼味。廢寢忘食。心如醉。搵紋綃珠淚。  
偷垂尋思爲誰。分明是你。恐怕人知。

又

爲才郎增惆悵。烟迷洛浦。雲鎖高唐。火騰祆廟。  
焚水滄藍橋。漲幾種閒情關心上。偏逢着夜永。  
更長。猛然慘傷。何曾望想。誰做隄防。

又

爲才郎添疾病愁心隱隱瘦骨亭亭雕鞍自別  
離翠被空閒剩冷雨淒風人孤另但合眼好夢  
難成長吁幾聲寧心再等說話休憑

又

夢回時心無柰香消寶鼎塵滿粧臺春來脈脈  
情日恁懨懨害蓮步輕移門兒外見雙雙燕子  
飛來低頭懶擡痴心越窄淚眼頻揩

又

夢回時愁偏聚。捶床倒枕。短歎長吁。姻緣前世  
差。間阻今生遇。目斷天涯。知何處。倚雕闌空自  
躊躇。寄紙錦書。敘夢情語。倩箇雙魚。

小梁州

枕痕一線玉生紅。瘦減芳容。翠幃錦帳繡芙蓉。  
無人共。離恨幾重重。畫堂簾簌金鈎控。靜悄  
悄。門掩東風。病兒沉。心兒痛。終朝厮送。空自怨  
鱗鴻。

又

枕痕一線界胭脂無限相思花箋空寫斷腸詞  
誰傳示半晌自嗟咨可憐繡被人獨自恨天  
涯游子何之眉上愁心間事生生爲爾憔悴許  
多時

又

枕痕一線界芙蓉困眼朦朧繡衾珊枕與誰同  
團圓夢覺後卽成空多情却被無情送恨愁

來強理絲桐。燕子樓。桃花洞。恩情雖重。無路也難通。

又

枕痕一線粉香殘。悶倚闌干。秦樓寂寞玉簫閒。誰經慣。離恨幾千般。腰肢瘦怯寔難看。每日家。淚指空彈。不索愁。何須歎。古來公案。薄命是紅顏。

朝天子



惜花愛花轉眼春光能猛然想起俏冤家半晌  
丟不下月底閒情枕邊私話你如何都當耍休  
誇你消除夙甘休罷

又

惜花愛花惹起心牽掛春來情思亂如麻多少  
閒驚怕病漸增添愁難耽架瘦腰肢剛一把眼  
巴巴時他問箇龜兒卦

又

惜花愛花忙煞鞦韆架。新來脂粉不曾搽。消瘦  
的人來怕。懶整鴛衾。羞拈羅帳。想歡娛空半霎。  
得他到家。不索題閒話。

又

惜花愛花露濕凌波襪。思量薄倖在天涯。心性  
忒奸詐。忽刺入歸來。軟曲膝跪下。連聲兒說記  
打。知他理差。偷眼將奴抹。

玉芙蓉

相思病漸深。坐臥如迭。窸對粧臺。幾遍沉吟。茫  
茫恨海。心頭浸隱。隱愁山眉上。侵情難禁。從別  
到今。空教我抱瑤琴。無處覓知音。

又

相思病未休。愁悶偏厮。把菱花欲照。還羞離  
情。今世今生。受業債。前緣前世。修黃昏後。擁鮫  
綃。泪流。空教我對孤燈。終夜恨悠悠。

黃鶯兒

春日正遲遲。綠窗前曉夢迷。起來猶自嬌無力。  
歎多情遠離。望天涯路岐。柳絲長難把愁縈繫。  
繡簾垂。閒情就裏惟有落花知。

又

春草綠萋萋。恨王孫去路迷。離愁萬種憑誰寄。  
鶯聲亂啼。花影又移。對良辰空負鶯花意。憶歸  
期。陽臺那壁。十二晚峯齊。

又

春燕語雙雙。對青樓、理宿粧。蛾眉蹙損春山樣。  
花柳正芳。蜂蝶正忙。新來幾許添惆悵。憶檀郎。  
痴呆半晌。無語立斜陽。

又

堪笑世情薄。百般的都弄巧。李四戴着張三帽。  
歪行貨當高。假東西說好。哄殺人那里辨青和  
皂。許多遭科範。總好到底被人瞧。

又

一會家笑呀呀老年來偏好耍眼前世事無牽  
掛葫蘆提打發休認真惹他十八石不是芝蔴  
價笑呀呀粧瓏做癡笑罵且由他

又

一會家笑呵呵老年來知調縣眼前世事都瞧  
破怕爭少競多懶尋處覓活寒號虫得過由他  
過笑呵呵早收園結果念幾聲南無佛

沉醉東風

一會家從頭自付數年來枉費辛勤雖懷着狗  
馬心那裡有麒麟分沒來由東走西奔但能勾  
過遣隨時不受貧說甚麼官居一品。

又

一會家從頭自揣八箇字天已安排看盡了英  
與雄枉惹些災和害到頭來那顯青白但得箇  
二頃薄田五畝宅說甚麼名揚四海。

又

一會家從頭自剖。把浮生萬事都勾。也不流百  
世芳。也不遣千年臭。且粧呆袖手藏頭。每日家

幾句新詞。信口謔說甚麼才高八斗。

又

一會家從頭自數。再休題得失榮枯。生爲這名  
利忙。枉把夢英雄悞。可惜煞者也之乎。從今後  
花下常攜酒一壺。說甚麼功成萬古。

又



爭名利。瞞心昧己。趨權勢。做小伏低。誰能勾。百  
歲活。到筭下千條計。那里有不散的。筵席仔細  
思量。莫太迷。試看取張良范蠡。

又

巧機關。藏頭露尾。喬模樣。只是心非。掇弄的意  
似癡。禁害的心如醉。那里想熱鬧處。撥回越是  
儂。儂越吃虧。幾曾見澄清徹底。

又

破衲襖剛能袖手。矮屋簷儘可低頭。且由他忙  
處過。落得我閒中受。那里得可口的饅頭。這滋  
味從來看得熟。怎肯去將沒作有。

又

愁布袋拆開罷手。悶葫蘆打破休畱。擇別了沈  
萬三。結識上王十九。到與他緣法相投。別箇的  
人生面不熟。怎做俺知心故友。

又

老師婆瞞神說鬼小傀儡搥鼓奪旗心腸內狠  
做作嘴臉上喬張致都只要趁水活泥甫能勾  
活成一大堆撞倒東牆又不壘

又

這壁廂鷹牙鷂爪那壁廂虎背熊腰人爭強馬  
闖驢弓上弦刀出鞘惡狠狠殺氣偏高爲甚先  
生眼閉着看不上碎頭忙腦

醉太平

香消麝蘭玉減容顏閒愁閒悶幾多般常淹着  
淚眼抑掄病寫下紙離魂案頭空債捱幾夜孤  
辰限糊塗夢撞入箇鬼門關都只爲薄情人未  
還。

又

愁心難把鬼病偏加許多時脂粉不曾搽險些  
兒害殺別離後漸長起恩情價音書內細寫着  
衷腸話離闌外盼望的眼睛花不見俺薄情人

到家

一江風

望天涯買徧金錢卦。淚濕鮫綃帕。夕窺家乘舊  
迎新負德辜恩。忘了當初話。薄情誰似他。寒心  
誰似咱。恨起來。起着名兒罵。

又

爲多情門掩黃昏靜。獨自捱孤另。到初更廢寢  
忘食。怨雨尤雲。衾枕空閒。刺嗚嗚。盡角聲呀呀。

塞雁鳴都則索和愁聽

## 後序

先伯祖念庵公負開濟之略嘗與崆峒張司馬  
雲中尹僉事同修四鎮三關志一官齟齬遽遂  
初衣悵鬱不自得恒寄情詞曲以舒瀉其愁思  
往往多蒜酪體新聲盛傳一時至聞之禁掖所  
著有都邑繁華閒中一笑混俗陶情裁冰剪雪  
良辰樂事空中語等集雖經鏤板旋復散軼先  
少保搜集其僅存者題曰詞齋特百一而已夫

詞山曲海千生萬熟傳者寔難方元之盛羣英  
品目九十八人之外稱傑作者又一百五人迨  
明中葉士大夫以曲擅塲者亦不下數十家而  
遺音之傳於今者蓋寡昔人目曲子爲餽段以  
共如火燄易明而易滅信哉言乎惟公所爲散  
曲都人至今猶歌之流傳旣久恐不能無譌因  
命工重刻之以待賞音者嗚呼由其達生之言  
觀之則懷憂者可以自廣而以才若是不見容



於當代俾老於箏人酒徒之間百世而下憫  
志者益見其言之足悲也已公諱效祖字仲修  
嘉靖庚戌進士仕止陝西按察副使平生尤長  
於詩昭陵嘗遣中使索公題冊呼劉念菴而不  
名顧遺集無存僅散見諸家選本芳躅將謀採  
輯嗣刻以行冀海內藏書之家或有存者覽是  
編而郵寄俾風靡之責不泯於世則芳躅定有  
厚望焉

康熙九年歲在上章閏茂暮春之月從孫芳躅

拜手書後

重刻詞辯後序

詞曲開山始自太白菩薩蠻兩調厥後盛於宋  
濫觴於元至明人而翻空絢爛極矣今其書具  
在寓目一遍非文章中之艷觀哉或曰詞曲無  
莊語律以六經四子似爲非聖之書操觚而登  
作者之壇恐非大儒所屑爲噫此非大儒之言  
而拘儒之言也聖賢講學性道發爲文章文章  
之言性道語果必皆莊也尼父之於詩曷不盡

刪夫鄭衛豈非以懲以勸卽教人以復性聞道  
乎張新建嘗語湯臨川云以君之辨才握麈而  
登臯比何渠出濂洛關閩下而逗漏於碧簫紅  
牙隊間將無爲青青子衿所笑臨川曰某與吾  
師終日講學而人不解也師講性某講情張公  
無以對夫臨川憤時疾俗解綬歸玉茗堂似宜  
踐晦菴之迹著述理學諸書以詔後世若之何  
大放厥詞撰爲四大夢俳諧不恭而謂之講學

蓋以富貴利達之徒迷於邯鄲枕上大槐枝頭  
沉酣不寤若明目張膽以孔孟之語折之未必  
不發彼大笑以爲吾之迂濶無當也乃一以詞  
曲寓言高撞晨鐘庶足喚醒一切而藉以發余  
牢落不平之氣嗚呼臨川之心苦矣意深矣豈  
可與一二流俗道哉 先伯祖憲副公得無近  
是公讀六經四子之書性命經濟頗具釋褐而  
後豈不願大行所學而顧僅僅以詞曲名但時

宜弗合勢與願違而五斗米之奉遂不能留七  
不堪之身也是以掛冠神武戴笠青田凡遇可  
喜可愕可悲可笑之處橫口橫筆一一寄之短  
歌長調中而發乎性情未嘗不止乎禮義公之  
詞儼然屈大夫之騷也又宛然堯夫擊壤集白  
沙江門詩也歌咏在是講學卽在是豈搖膝浪  
吟者比乎故當年流傳禁中新聲輦下至今猶  
叶竹肉未艾也惜全刻散軼止存百一先少保

一嚮珍藏司空先兄重刊問世每拭案開卷憲  
副公鬚眉氣魄猶宛於楮墨間遇之奈未幾而  
藏板又失僅有一冊存之中笥假非再壽梨棗  
恐數十年後不免爲叔夜廣陵散矣嗚呼裴駟  
桓譚尚能爲史記法言作傳人况爲人子孫而  
不克守先人遺書其有媿於邵伯溫系述皇極  
爲何如也於是搜薄俸飯餼人仍鏤板於大寧  
署中雖不敢云貴洛陽之紙庶足備名山之藏

海內名公不乏公璣其人寧無過而顧焉者乎  
故敬跋於後以俟高明論定焉

康熙二十九年歲次庚午孟夏月從孫芳永沐  
手謹序